

吳橋縣志卷之四

官師志

帝眷羣黎俾之司牧引養引恬既富方穀興化易俗
爰咨師儒青青子衿絃頌詩書于甸于宣丞尉維佐
罔曰民寡職守叢脞乃有循良 我窮氓詠歌沐浴
沒世不忘作官師志第四

縣官

明

吳橋縣志

卷之四官師

一

黃原洪武二年任初建縣治

吳侯原江西永豐人由舉人永樂十四年任重修學廟
見事明決不尚苛刻任滿當代百姓詣行在乞留得
請更所代者復任清操益勵祀名宦

趙忠正統八年任重修縣治

葉侯茂貴竺人由舉人天順二年任崇重土類修飭廟
學詳見碑記祀名宦

張侯鐸江南全椒人由監生成化二年任禁革宿弊政

平訟簡開展城池舊基區畫街巷申免協濟時村驛
東光驛夫役祀名宦

於侯珥浙江嘉興縣人由進士成化末年知南皮縣調
任履謙持厚有長者風六事並舉百廢俱興陞建寧
府同知復陞慶遠府知府

李侯欽山東濱州人由進士弘治八年任興學訓士吏
畏民懷

王侯麒陝西寶鷄人由進士弘治十四年任廉明公正

吳橋縣志

卷之四官師

二

撫字勤勞後爲景州孫博註誣去官邑人惜之

劉侯鉞陝西咸寧人由舉人弘治十八年任時流賊充
斥修築城池鐵其四門賊至無患百廢俱興其建置
皆有詩記祀名宦

褚侯元良陝西涇陽人由進士正德五年任質直公清
政務悉舉以才堪治煩調新城縣祀名宦

申弘河南延津人由舉人正德九年任

李侯仁陝西綏德州人山舉人正德十三年任刑清政

簡吏服民安

方鏗河南襄城人由舉人

孫侯孟和山東商河人以御史謫任嚴以防吏慈以愛

民陞真定府知府祀名宦

方侯遠宜江南歙縣人由進士任明通公溥平易寬柔

其發奸如神行取山東道監察御史

孔瑄山西澤州人由舉人嘉靖三年任

裴侯爵山西澤州人由舉人嘉靖八年任裁決風生聽

吳橋縣志

卷之四官師

三

訟如流每判一事咸當人意吏治精敏持心廉恕

唐侯珍陝西咸寧人由舉人嘉靖十年任寬厚平易不

喜刑威處公事如家事去之日士民垂涕沾衣

俞侯瀾浙江餘姚人由舉人嘉靖十二年任有文學善

講經義

湯侯 山東歷城人由舉人嘉靖十四年任敦厚寬平

清操自守一毫不取囊篋蕭然病卒人皆 指之

周廷傑山東萊陽人由歲貢嘉靖十九年任

李節用山東茌平人嘉靖二十二年由歲貢縣丞陞任
孫侯滋南江南貴池人由舉人嘉靖二十六年任以經
術飾吏治文移招擬多文藝

錢侯相南通州人由例貢嘉靖二十七年任

李侯之本河南洛陽人由舉人嘉靖二十九年任和平

樂易後調山西臨汾縣

劉侯自修河南扶溝人由歲貢嘉靖三十二年任寬明

仁恕愛民如子清操自勵祀名宦

吳橋縣志

卷之四官師

四

程侯大用河南河內人由舉人嘉靖三十五年任善講

經義聽訟立辨人稱其明

李侯用熒山東高唐人由進士嘉靖三十七年任剛毅

有爲高明亢爽先是本縣爲他處代納徭役銀數百

兩公力請于上得減十之二三陞大理寺評事祀名

宦

樊啟東山西定襄人由舉人嘉靖四十二年任

錢繼志山東冠縣人山舉人嘉靖四十五年任

吳希旦徽州府歙縣人由舉人隆慶元年任

朱侯桂芳河南裕州人由舉人隆慶二年任賦性真率
守已愛民三年陞宛平縣知縣歷陞戶部主事

成周鳳山東東平州人隆慶六年任

龔侯勉江南無錫人戊辰進士初任浙江嘉興萬曆元
年補任政持大體不務苛細寬宏仁恕愛民如子明
爽果斷剖決如流一事一法必爲經久計條陳七議
百姓蒙德修舉廢墜興起士類講經課文賑貧濟乏

吳橋縣志

卷之四官師

五

陞南京刑部主事遮道扳留立生祠祀名宦

王嘉牧河南葉縣人由歲貢初任定州判官萬曆四年
陞任

曲國信遼東萬全衛人由舉人萬曆六年任忠厚寡言
明斷有才審編均徭咸當民意

秋侯諱良榦河南汝陽人由舉人萬曆八年任剛方廉
介英明聰察以仁慈惠愛爲本詞訟片言而決鋤強
梗扶善良衙門清肅胥 股粟建社學九處立義倉

十所教養兼舉德威並用祀名宦

吳禮卿南直宣城人 歲貢萬曆十年任

何侯珠山東鄒縣人由歲貢萬曆十四年任質樸無華

實心實政徵收禁火耗訟獄却贖 積弊頓清有生

祠

王侯藻山西太原人由舉人萬曆二十年任有去思碑

韓子廉陝西涇陽人由舉人萬曆二十一年任

陳泰熙江南吳江人由舉人萬曆二十二年任

吳橋縣志

卷之四官師

六

王之藩江西德化人由歲貢萬曆二十四年任

沈志文浙江海寧人由舉人萬曆二十六年任

張侯守身浙江永嘉人由舉人萬曆二十八年任善政

失傳有生祠

翟侯鳳翀山東益都人由進士萬曆三十三年任慈惠

威嚴並著文章政事兼優調停利病興革得宜重儒

課士丙午登科六人後調任丘縣行取河南道御史

歷陞陝西巡撫兵部侍郎天津部院 生祠有去思

碑祀名宦

李侯本固山東臨清人由進士萬曆三十六年任大理寺評事調用操守清介直方果毅有古大臣風

冷夢魁山東膠州人由舉人萬曆三十八年任

惲茲江南武進人由歲貢萬曆四十年任

毛侯焯山東陽信縣人由舉人萬曆四十三年任恭儉

廉明敏達勤慎愛民造士政簡刑清旌善懲惡尤出

至性五年三遇饑荒踏災煮賑招撫流離獻交寧津

盜賊蜂起恩威並用民賴以安陞福州府同知有去

思碑生祠祀名宦

王侯先湖廣羅田人由進士萬曆四十八年任慈惠之

師文學之吏課士諄切治民和易申請條鞭吳民百

世之利陞南京戶部主事有條鞭碑記立生祠

王紕山東齊東人由歲貢天啟二年任

閔化淳陝西隴西人由恩貢天啟四年任

周思訓江南懷遠人由舉人天啟七年任

畢侯自寅山東淄川人由舉人崇禎元年任精明果毅
風力有爲侯係戶部尚書畢自嚴之弟上臺咸禮而
敬之侯亦挺身擔當一切差徭供役悉得寬假一時
民受其利調宛平縣陞南城兵馬司

蕭侯曰蘭河南永城人由舉人崇禎五年任剛正聰察
嚴毅果斷捕禁盜賊督責衙役政事修舉士民畏服
丁憂補邯鄲縣知縣陞戶部主事

陳侯燦河南孟津人由舉人崇禎八年任心平氣和慈

吳橋縣志

卷之四官師

八

祥藹惻修練儲備四事兼舉丁憂去任

李纂昌山西洪洞人由進士崇禎十一年任

余侯尚春四川渠縣人由進士崇禎十二年任先以河
南通許縣卓異行取未到京欽調吳邑殘破之後寬
恤子遺嚴飭胥役一年振刷百廢俱興最奇者創建
磚城四旬工竣百世之利也復行取值丁憂未考選
侯質成陝西南鄭人由 人崇禎十三年任

十臣湖廣蘄水人由進士崇禎十六年任慈谿縣

任庭靜吏間有鳴琴 行取遇國變未考選

擴然崇禎十七年

以泊頭河廳通判來攝印流寇陷京師棄印而去不知所終十七年僞官符執蒲據位肆虐德州濟王起義兵縛去正法

清兵入北京流寇遠遁五月初二日

世祖章皇帝御極是爲順治元年

論曰明初懲元之弊治吏過嚴有司咸惴惴焉憂讒

吳橋縣志

卷之四官師

九

畏譏雖有善治聲不著聞至慶曆太平日久民生庶富風俗醇美功令畫一公道彰明故令吳橋者有仙吏之稱焉斯時也莫不得展布其才能以圖功名若無錫龔若汝陽秋若鄒縣何若益都翟若臨清李若陽信毛若羅田王若永城蕭諸賢侯其仁政懿德至于今父老猶能傳誦之迨其季年天下多事治道亦衰降而失守極矣殘破之後川渠余侯率瘡痍而創建磚城南鄭芮侯撫饑荒而措供征繕若夫蘄水畢

侯以風流都雅收三百年文學政事之全局盛矣亦
下邑之光也夫

國朝

閔登雲順天大興人順治元年任

王侯家楫陝西三原人由進士順治二年任元城縣調

任天下初定與民休息行取禮部祠祭司主事

孔侯思周旗下生員順治三年任慈惠和平方行所無事

陞大同府知府官至浙江巡道

吳橋縣志

卷之四官師

十

張我奇旗下人順治五年任

常侯文魁廣寧貢士順治六年任果毅敏捷擔當有爲

愛護河夫招安寇盜

清興循良鄉民立生祠歷陞貴州平越府知府

常侯德萃山西沁水人由貢士順治十年任仁慈寬厚

省刑而廷鮮鞭朴薄斂而里無追呼士民胥感去久

愈思

王道行山東齊東人山貢士順治十三年任

詹先定湖廣黃陂人由貢士順治十五年任

王性之浙江新昌人由貢士順治十七年任

王侯鉞陝西朝邑人由舉人康熙元年任廉介端方編

審公平百姓感德

于慧山東臨淄人由貢士康熙四年任

蒲侯益昌四川平武人由舉人康熙七年任仁厚寬和

以註誤降調值

聖駕巡幸至邑百姓上疏乞留

吳橋縣志

卷之四官師

十一

任侯先覺山西太原府寧武所人由進士康熙九年任

論曰

國家草昧經綸三十年於茲矣蕞爾子遺屬在畿輔且

當南北之衝大災大患大徭役大征輸哀我憚人亦

既勞止今鴻集中澤鮒甦涸轍皆歷任良有司之所

遺留也况時值清平休養宜力是望後之爲令者

縣丞

明

黃原洪武二年任初建縣治

縣丞之設無據可考吳橋任斯職者黃公一人而已

名又列于知縣或者明初地方荒畧人才難得公以丞補陞縣堂而貳衙遂廢未可知也

主簿

明初全設後俱裁嘉靖十七年復設主簿至三十六年仍裁

初深山東掖縣人

孟祥山東臨清人

溫淳山西嵐縣人

王克誠山西平定人

段鏗山東威海衛人

吳橋縣志

卷之四官師

樵大用陝西慶陽府合水縣人

解繼業山東平度人

典史

趙琛蘇州人

劉軒山東博平人

王待賢陝西邠州人

陳通山東聊城人

袁承祥浙江鄞縣人

袁詔湖廣巴陵人

辜堯卿陝西華陰人

羅峻江西人

楊錫河南商丘人

黃廷傑江西鄆城人

李崇山西太原人

楊大章福建莆田人

王宗禮陝西涇陽人

吳橋縣志

卷之四官師

應喬浙江仙居人

朱紹山浙江蕭山人

甯鶴山西陽城人

袁悌江南無爲人

劉律湖廣孝感人

陳豸南昌人

任三汲陝西涇陽人

姜之先江南青陽人

楊動蛟陝西洽陽人

國朝

沈昌國浙江山陰縣人順治二年任

陳夢麟山西蒲州人順治十年任

吳紹彙浙江義烏縣人順治十三年任

陳士名江南潁州人順治十三年任

董堯功山西芮城縣人康熙元年任

陳瑜浙江山陰縣人康熙七年任

吳橋縣志

卷之四官師

十四

鮑鉉祚江南青陽縣人康熙十年任

論曰縣尉亦一有司耳國家之封疆百姓之身家皆係於捕盜者之賢能其所任曷嘗不重耶明史所載興化縣典史馮堅太和縣典史曹鼐皆以卓異擢爲御史何彪炳也惟蒞此職者往往以瓦注自輕而人遂以瓦注輕之有能卓然表見者公道固自在耳

教諭

明

朱瑤山東恩縣人

張岩河南信陽州人

陳清山西大同人

常崐河南延津縣人

張廷臣山東昌樂縣人

龐德隆山西陽曲縣人

文貫道陝西狄道縣人

吳大德福建莆田人由舉人陞山東萊蕪縣知縣

吳橋縣志

卷之四官師

十五

夏子諒四川涪州人由舉人陞湖廣衡道縣知縣

徐士麒

程世英徽州歙縣人由舉人陞密雲縣知縣

張可度河南鎮平縣人

李時英直隸安州人

李三樂雲南劔川州人由舉人任滿陞廣西上林知縣

李景遼東廣寧人

王騰鸞直隸魏縣人陞河南歸德府教授

傅 貫山東武定州人

陸合泰江南臨淮人

張光祖直隸順德人

支如璋江南蘇州人由舉人

毛栢順天人由舉人

韓一龍浙江人由舉人

趙登高直隸冀州人

李可成直隸遵化人由舉人任滿陞山東登州府推官

吳橋縣志

卷之四官師

十六

王蓋臣直隸東安人

曹爾擢陝西人由舉人學術博雅品行淑潔慤勤課士
久而無倦入祀名宦

國朝

張文獻順天府玉田縣人由舉人

于有麟保定府清苑縣人由舉人順治九年任

魏繼標字憲文順天府通州人順治戊子科舉人順治

十四年任

其訓士也先倫誼而後文藝好崇獎端人間有弗若
於訓者則巽語勸導俟其自化一時士風翕然丕變
蠲俸課士集髦俊五十餘人文必經書七藝夜以繼
日一如科場例如是者五載吳邑人文鵲起科第蟬
聯者有由然也明倫堂前有槐樹十四株皆公手植
今諸生覩槐市芬郁不減甘棠蔽芾云

王祚明保定府慶都縣人由舉人康熙五年任

程思恭順天府香河縣人由舉人康熙七年任

吳橋縣志

卷之四官師

十七

宋時正保定府深澤縣人由舉人康熙九年任

郝化鳳廣平府永年縣人由舉人康熙十一年任

訓導

原設訓導二員明季裁汰一員康熙三年復裁汰一員

明

舒信江南貴池縣人由監生有政事才陞知縣官至監

察御史

成端

王英

陳浩江西人

徐洪河南人

石文奎山東益都人

樊九思山西蒲州人

李厚山東郟城縣人

呂憲山東招遠縣人

段章河南偃師人

丘鳳江南鳳陽人

吳橋縣志

卷之四官師

張洙江南宿遷人

賈相山西石樓縣人

徐從虎山東人

孫韶山東招遠縣人

馬价陝西同州人

郭宜春江西萬安縣人

王瑤山東威海衛人

劉原河南汲縣人

牟鈞山東福山縣人

曹際會山東東平州人

任國臣直隸獲鹿縣人

丘維德直隸永平府撫寧縣人

張時相山東平陰縣人任滿陞武清縣教諭

葛憲貴州宣慰司舉人任滿陞雲南祿豐縣知縣

馮坦直隸安肅縣人

左文粹山東樂陵人

吳橋縣志

卷之四官師

十九

吳三戒山東長山人

崔良七直隸安平縣人

許澄山東海豐縣人

吳登瀛延慶州人

馬雲衢山東陽信人

李應奎趙州人

王立言內丘人

勇忻霸州人

魏鳴謙直隸大名府長垣人 方簡質有古君子風精
耑理學兼暢禪宗所著有立身三十善居家三十善
橫逆之來處之坦然畢邑侯一見之日渾金璞玉道
氣充然真士人之楷模也

駱得志直隸任縣人

劉廷訓通州人都雅文秀詩詞有晉魏風舉止端嚴望
之有威而誨諭諄切令人佩服入祀名宦通州祀鄉
賢賜諭祭

吳橋縣志

卷之四官師

二十

王應 保定府人

順天府寶 縣人

國朝

楊 直隸保定府大寧都司前衛人

直隸保定府新城人任滿陞海門縣知縣

保安州人任滿陞樂安縣知縣

廣文爲 局者非見道之言也所搯者

風化之權所掌者詩書之事所領者文章之彥天下

之清而高華而美者莫過於此則師道固不以官尊
也嗚呼在下僚而有道可行者獨此 耳苜蓿齋
豈能俗人哉

連窩驛

驛丞

周稷浙江蕭山縣人

楊登浙江山陰縣人

楊文炳陝西三原縣人

吳橋縣志

卷之四官師

二十一

李如奎浙江山陰縣人

施文錦浙江山陰縣人

安陵堡

駐防千總

劉登昇天津衛人順治九年任

史進忠獻縣人順治十一年任

李志敬薊州人順治十四年任

佟國柱天津衛人順治十七年任

李天時天津衛人康熙五年任

李元桐薊州人康熙七年任

侯慶凱天津衛人康熙八年任

褚得勝天津衛人康熙九年任

吳橋縣志卷之四 終

吳橋縣志

卷之四官師